

KANTONALNI SUD U SARAJEVU, sa sjedištem u ulici Šenoina broj: 1. Sarajevo, ID broj: 4200235110001 (u daljem tekstu Naručilac) koga zastupa i predstavlja V.D.Predsjednika suda Vladimir Špoljarić

i

„SARAJEVO OSIGURANJE “ d.d. Sarajevo, sa sjedištem u ulici Maršala Tita broj: 29. Sarajevo ID broj: 4200326930001 (u daljem tekstu Izvršilac) koga zastupa i predstavlja direktor Arif Kulić

Na osnovu Odluke broj: 009-0-Su-18-000847 od 21.09.2018.godine, a nakon provedenog Konkurentniskog postupka za dostavu ponuda javne nabavke ugovorne strane z a k l j u č u j u

UGOVOR
O PRUŽANJU USLUGE KOLEKTIVNOG OSIGURANJA UPOSLENIKA
KANTONALNOG SUDA SARAJEVO

Član 1.

Predmet ovog Ugovora je nabavka usluge „Kolektivnog osiguranja uposlenika Kantonalnog suda Sarajevo“ – Ugovarača osiguranja, a prema ponudi Osiguravatelja broj: 01-3923-1/18 od 22.11.2018. godine, koja čini sastavni dio Ugovora.

Član 2.

Osigurani slučaj je iznenadni, nepredviđeni i od volje osiguranika nezavisni događaj, koji se desi pri vršenju i izvan vršenja redovnog zanimanja (24 sata), a ima za posljedicu osiguranikovu smrt, potpuni ili djelimični invaliditet, smještaj i liječenje u bolnici uslijed nezgode, privremenu nesposobnost, kao i nastanak troškova liječenja usljed nezgode.

Član 3.

Ugovorena premija osiguranja iznosi 5,35 KM mjesečno bez PDV-a po svakom uposleniku. Ukupna godišnja premija osiguranja za 140 uposlenika iznosi 8.988,00 KM bez PDV-a, počev od 01.01.2019. godine u 00:00 sati do 31.12.2019. godine u 24:00 sati.

Za kolektivno osiguranje uposlenika od posljedice nesretnog slučaja-nezgode, izdat će se posebna Polica osiguranja osoba od posljedica nesretnog slučaja-nezgode za svaki osigurani rizik, u skladu s ovim Ugovorom, tenderskom dokumentacijom broj: 009-0-Su-18-000847 od 21.09.2018. godine i ponudom Osiguravatelja broj:01-3923/18 , koje čine sastavni dio ovog Ugovora.

Osiguranik je obavezan, da po nastanku osiguranog slučaja – nezgode, Osiguravatelju za osigurano lice, koje je predmet osiguranog slučaja, dostavi prijavu na obavezno osiguranje kod nadležnog organa, kojim Osiguranik dokazuje da je uposlenik bio u radnom odnosu u periodu za koji je zaključen ugovor o kolektivnom osiguranju.

Član 4.

Prava i obaveze Osiguranika i Osiguravatelja, po zaključenom osiguranju, regulisana su opštim i dopunskim uslovima za osiguranje lica od posljedica nesretnog slučaja-nezgode, u skladu sa važećim uslovima za osiguranje i policama osiguranja od posljedica nesretnog slučaja –nezgode, koje će se izdati na osnovu prihvaćene ponude Osiguravatelja broj: 01-3923/18 od 21.11.2018. godine, u skladu sa članovima 1. 2. i 3. ovoga Ugovora.

Član 5.

Osiguravatelj se obavezuje da će pružiti svu potrebnu stručnu pomoć osiguraniku prilikom odabira najpovoljnijeg osiguravajućeg pokrivača za konkretno osiguranje.

Član 6.

Za sve usluge za koje se utvrdi da ne odgovaraju kriterijima iz člana 1. 2. i 3. ovog Ugovora, eventualni troškovi koji bi nastali u ovakvim slučajevima, stavit će se na teret Osiguravatelja.

Ugovarač osiguranja zadržava pravo da angažuje Osiguravatelja za usluge koje nisu specificirane navedenim ponudama, koje bi koristile u redovnom poslovanju, a koje će Osiguranik Osiguravatelju platiti prema cijenama Osiguravatelja, važećim na dan narudžbe.

Član 7.

Rok u kome se mora prijaviti osigurani slučaj je 3 (tri) dana. Osiguravatelj se obavezuje da će, po prijavi opšteg zahtjeva za nastalu štetu iz ovog ugovora, uz blagovremeno obavještenje o dostavljanju potrebne validne dokumentacije, obračuna, likvidacije i isplate po odštetnom zahtjevu, vršiti odmah od dana kompletiranja odštetnog zahtjeva, a isplata će se desiti najdalje u roku od 30 (trideset) dana, računajući od dana kada je Osiguravatelj dobio obavijest da se osigurani slučaj dogodio.

Član 8.

Osiguranik se obavezuje da će plaćanje Osiguravatelju vršiti u dvije rate - polugodišnje, u skladu s ponudom Osiguravatelja broj: 01-3923/18, na način da se za prvu ratu ispostavlja faktura, koja će obuhvatati period 01.01. – 30.06.2019. i za drugu ratu faktura za period 01.07.-31.12.2019. godine. Plaćanje će se izvršiti najkasnije u roku od 30 (trideset) dana od datuma ispostavljanja fakture, putem JR Trezora Kantona Sarajevo, na žiro račun Osiguravatelja.

Član 9.

Ovaj ugovor se zaključuje na period od (1) jedne godine dana i to od 01.01.2019.godine do 31.12.2019. godine.

Član 10.

Ugovorne strane mogu ovaj Ugovor raskinuti i ranije ukoliko se jedna od strane ne bude pridržavala odredaba ovog Ugovora uz prethodno izmirenje svih obaveza nastalih po osnovu ugovora.

Član 11.

Otkazni rok po ovom ugovoru je 30 (trideset) dana od prijema pismenog obavještenja, a po isteku tog roka ugovor se smatra raskinutim.

Član 12.

Ugovorne strane su saglasne da će se pridržavati zakonskih propisa i da će čuvati poslovnu tajnost i pridržavati se poslovnih običaja.

Član 13.

U slučaju izmjena i dopuna ovoga Ugovora potrebna je pismena saglasnost obje ugovorne strane.

Član 14.

Eventualne sporove nastale pri realizaciji ovog Ugovora, ugovorne strane će nastojati riješiti sporazumno, a ukoliko to nije moguće nadležan je Općinski sud u Sarajevu.

Član 15.

Ugovor je sačinjen u 4 (četiri) istovjetna primjerka, od koji svaka strana zadržava pod 2 (dva) primjerka.

OSIGURAVATELJ

„SARAJEVO- OSIGURANJE“ D.D. SARAJEVO

DIREKTOR

Arif Kulić

Broj: 01-3923 /18

Sarajevo, _____ .godine

OSIGURANIK

KANTONALNI SUD U SARAJEVU

V.D.PREDSJEDNIKA SUDA

Vladimir Špoljarić

Broj: 009-0-SU-18-000847

Sarajevo, _____ .godine